



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 90. Quænam lex dici debeat favorabilis, & quænam odiosa.

urn:nbn:de:hbz:466:1-42634

si tamen parens postea sit Catholicus, filius non erit irregularis, quia dicetur filius Catholici; & idem est de similibus casibus. Ratio est, quia leges poenales sunt odiosæ, odiosa autem sunt restringenda & in benignorem partem interpretanda, uti n. 609. dictum est: hinc lex poenalis non debet extendi ad similes vel etiam maiores culpas, sed tantum ad expressas in Jure, sic bis baptizatus est irregularis, non tamen bis confirmatus, quamvis sit peccatum simile; legens libros haereticos excommunicatur, non tamen audiens conciones haereticas, quamvis hoc sit de se gravius & periculosius: quod maximè valet de lege poenali exorbitante vel correctiva juris antiqui, quæ ob similitudinem vel identitatem rationis extendi non debet ad casus alios, Laym. Pirb. l. 3. t. 5. n. 171. Quomodo autem poenæ latæ in reum læsæ Majestatis cadant etiam in filios, explicat Delbene de Imm. Eccl. c. 16. d. 23. f. 1.

617 §. XI. Si feratur censura tantum post novam monitionem incurrenda, non fertur præcisè ob factum præteritum, quod de se fortè non erat peccatum mortale; sed ob factum præteritum prout habens adjunctam pertinaciam vel contemptum monitionis, sic enim sit culpa gravis.

618 §. XII. Quando effectui externo imponitur poena, v. g. Vulnerationi, quam sequitur mors, si mortum priùs sequatur, quando causa voluntaria illius est revocata, nihilominus incurritur poena irregularitatis, sicuti obligatio restitutionis incurritur ex actione damnsa, licet de hac aliquis efficaciter doleat, uti rectè Suar. Sanch. aliquique cum Dicast. de juram. d. 2. n. 185. 274.

619 Q. 90. Quænam lex dici debeat favorabilis, quænam odiosa. R.

§. I. Plures male explicant, nam Tiraq. putat legem

legem illam esse absolute odiosam, quæ alicui affert gravamen, sed *contra* est, quia sic omnis lex est odiosa, quia affert obligationem, quæ est gravamen. *Alii* dicunt illam esse favorabilem quæ pro fine habet bonum commune, sed *contra*, ergo omnis lex est favorabilis, quia omnis lex etiam poenalis, pro fine habet bonum commune.

§. II. Probabilitus cum aliis dicunt Covarr. 620
Sanch. Sal. Castrop. d. 1. p. 2. illam legem esse favorabilem, cuius materia præcepta est conveniens & veluti beneficium eis, quibus præcipitur, ut sunt leges, quæ apponunt solemnitates contractibus, ut sic vitentur fraudes; item signantes taxam mercibus, ut ad certum valorem vendantur: si autem materia illis sit onerosa, ut leges vectigalium, aut imponentes poenam transgressoribus, erit odiosa.

§. III. In dubio, an lex sit odiosa an favorabilis, 621
 quia nempe non appareat, quid præponderet, censenda est favorabilis, quia de Principe potius beneficium quam odium præsumendum est, ita *Gloss. Bald. Suan.* & alii cum *Castrop. suprà & ill. t. I. d. 2. n. 8.* Notant etiam *Bald. Dec. Paris. Chok. Leur. p. 3. q. 334.* legem posse esse uno respectu favorabilem, alio odiosam; dici tamen simpliciter favorabilem vel odiosam, attendendo ad hoc, quod principaliter in ea agitur. Atque hæc serviant pro applicanda Regula 15. de Reg. Juris in 6. *Odia restringi & favores convenienti ampliari.*

§. IV. Dispensationes, itemque privilegia facta 622
 privatis contra legem communem vel contra consuetudinem communitatis, sunt odiosa, & ideo restringenda, lex enim & communitas prævalent, exiguntque omnes subditos esse pares in obligatione, ut habet communis cum *Suan. Castrop. Sanch.* de mar. l. 8. d. 1. n. 3. & seqq. Hinc qui obtinuit dispensationem

sationem pro prima tonsura, non præsumitur obni-
nuisse pro minoribus, uti communiter doceatur con-
tra *Dianam* p. 9. tr. 8. R. 22., habens autem dispen-
sationem pro ordinibus præsumitur habere tantum
pro minoribus, *Sanch. Suar. Diana* aliique commu-
nititer cum *Leur.* p. 1. q. 269 contra *Marchinum &*
Cœn. De Sacram. d. 33. d. 2. n. 29.: Si tamen petens
habeat Minores, & dispensans id sciat, præsumitur
dispensasse pro Majoribus, ne dispensatio sit frusta,
etiam pro Sacerdotio: quod si dispensatio sit ad om-
nes Ordines, nullus excipitur præter Episcopatum,
qui simul est dignitas, ita *Sanch.* & alii: consequenter
dispensatio ad beneficium, ut sic habeatur titulus Or-
dinationis, non censetur ad Curatum sed simplex;
item facta ad beneficium curatum non est extenden-
da ad Canonicatum, qui simul est dignitas, ita post
alios *Diana* suprà: Similiter dispensatus, ne residat,
non est dispensatus, ut accipiat fructus, qui absenti-
bus dari non solent: & ideo *Sanch.* & *Lugo* in *Resp.*
Mor. l. 5. d. 19. n. 3. dicunt, *dispensatio non ex-
ditur ad annexa separabilia, quoties id, super quo
principaliter dispensatur, potest sortiri effectum
licet non ita plenè.* Vide *Illiſ. t. 1. d. 3. à n. 32.*, item
hic dicenda n. 839. Item *Leur.* suprà, & q. 286. n. 3.

623 §. V. Privilegium qualecumque concessum in
bonum alicujus communitatis & nemini præjudi-
cans, est amplè interpretandum: item, quod cedit in
favorem Ecclesiæ, religionis vel piæ causæ, licet ali-
quo modo deroget Juri communi, uti cum *Diana*
probat *Castrop.* d. 4. p. 10. Hinc de privilegio, quo
v. g. integer Ordo eximitur à jurisdicione Ordina-
rii, docent *Henriq.* & *Sanch.* in *Cons. l. 6. c. 9. d. 1.*
n. 40. debere amplè explicari: quod idem dicit *Ca-
strop.* p. 9. de privilegio, quo Ordo eximitur à solu-
tione decimarum, si fiat ob causam bono communi
& re-

& religioni utilem : etiam latè interpretanda sunt privilegia inserta juri communi ; item quæ conceduntur motu proprio & ex certa scientia , ut ostendit Castrop. p. 10. , ubi & seqq. punctis plura habet hoc spectantia : & de privilegiis plura addemus à n. 832.

Q. 91. An verum sit , quod lex & præceptum 624
ponat actionem præceptam vel prohibitam in ea vir-
tute , quam præcipiens intendit , sive ex cuius motivo
præcipit . R.

§. I. Ut intelligatur status quæstionis , v. g. pater
graviter præcipit filio , ut maneat domi , eo fine , ut
sic consulat ejus castitati , Quæritur , an illa mansio
domi , non tantum spectet ad virtutem obedientiæ ,
sed etiam castitatis , propter quam in filio conser-
vandam pater id præcipit , & ita de aliis : est autem
hæc quæstio magni momenti in ordine ad praxin ,
nam si ejusmodi præceptum ponat materiam præ-
ceptam etiam in altera virtute , v. g. castitatis , trans-
gressio talis præcepti continebit duas specie malitias ,
unam contra obedientiam , alteram contra castita-
tem , unde filius transgrediens non satisfaciet dicendo
in Confessione , Semel transgressus sum grave præ-
ceptum parentis mei , sed addere debebit , imperantis
mihi aliquid ex motivo castitatis .

§. II. Aliqui apud Arr. de peccatis d. 41. n. 32. 625
dicunt , quod solum præceptum Supremi Principis
ponat rem præceptam in virtute illa , ex cuius moti-
vo ipse præcipit , non autem præceptum subordinati
Superioris : alii putant præcepta particularia id non
facere : Vsq. dicit vota saltem , quæ quis privatim
pro se emittrit , hoc non facere , sed Arr. contendit
præcepta omnia , etiamque vota id facere , vel nulla
omnino præcepta id facere , dicit enim eandem esse
de omnibus rationem : hinc docet , quod nullum o-